



„ჩინგუძი საცაბთუელა, სიმეში ჩუნ ვაბთ ყელაბ“

ჟორჯოჯორი

გამოდის 1923 წლის 1 მაისიდან

სენაკის მუნიციპალიტეტის თავისუფალი გაზეთი

2024 წელი • №7-8 (9573-74) • 1-30 აპრილი • ფასი 1 ლარი და 40 თეთრი

მუნიციპალიტეტის მერიადი

სენაკის სასკოლო თეატრალური ოლიმპიადა 2024

სენაკის მუნიციპალიტეტის თეატრალური ცხოვრების ისტორიაში, პირველად, საქართველოს კულტურისა და სპორტის სამინისტროს, სენაკის მუნიციპალიტეტის მერიის



მძღვანელობით; ფოლკლორის სახელმწიფო ცენტრის სენაკის სალოტბარო სკოლა, ლოტბარი - დიმიტრი კაკულია; შემსრულებლები - სალომე ბერიშვილი და გიორგი ცისკაძე; ქორეოგრაფიული ანსამბლი „მე-გა“, დიმიტრი ჯაიანის სახელობის კულტურის ცენტრის თეატრალური ხელოვნების სკოლა-სტუდიის ახალგაზრდა თეატრალურმა, მუსიკალურ-კოსტიუმირებული ზღაპრიდან - „ჩიპოლინოს თავგადასავალი“, სახალისო ნომრები შეასრულეს. ოლიმპიადის საზეიმო გახსნა აკაკი ხორავას სახელო-



ბის პროფესიული სახელმწიფო დრამატული თეატრის, მოსწავლე-ახალგაზრდობისა და კულტურის ცენტრის თეატრალური დრამატული ხელოვნების



ხელმწიფო დრამატული თეატრის წამყვანი მსახიობები: თამარ აბშილაძე-კობახიძე და ლადო კოკია უძღვებოდნენ. მაყურებელთა წინაშე წარდგინეს სენაკის მუნიციპალიტეტის ხელოვნების, მოსწავლე-ახალგაზრდობისა და კულტურის ცენტრების შემოქმედებითი ჯგუფები - ნათია შურდულაიას, ლალი გოგიას, გოჩა ჯგერენაიას, სალომე ბერიშვილის ხელ-

სკოლა-სტუდიის ერთობლივი პროექტით, სპექტაკლით - „HELLADOS - გაკვეთილი“ დასრულდა, რომელშიც მონაწილეობა ასევე მიიღეს სენაკის მუნიციპალიტეტის ხელოვნების ცენტრის სამუსიკო სკოლის მოსწავლეებმა. თეატრალურ ფესტივალში მონაწილეობასღებულობდა 13 სკოლა და 200-მდე მოსწავლე - სენაკის მუნიციპალიტეტის პირველი, მეშ-

ვიდე, გეგეთის, ახალსოფლის, თეკლათის საჯარო სკოლების, წმინდა ალექსი შუშანიას სახელობის მართლმადიდებლური სკოლა-გიმნაზიის, ჩოხატაურის მუნიციპალიტეტის სოფელ ამალეების საჯარო სკოლის, ზუგდიდის და ზესტაფონის მუნიციპალიტეტების მოსწავლე-ახალგაზრდობის სასახლის ნორჩ თეატრალთა დასები.

2 აპრილს, სასკოლო თეატრალური ოლიმპიადის, საზეიმოდ დაიხურა. ოლიმპიადის დახურვისა და ნომინანტების გამოვლენის საზეიმო ცერემონია, თეატრალური - აკაკი ხორავას სახელობის პროფესიული სახელმწიფო დრამატული თეატრის წამყვანი მსახიობები: ეკატერინე კოლუა და ლადო კოკია უძღვებოდნენ. თეატრალური ოლიმპიადის მონაწილეებს წარმატებები უსურვეს და სასკოლო ოლიმპიადის მნიშვნელობაზე ისაუბრეს: სენაკის მუნიციპალიტეტის მერმა, ვახტანგ გადელიამ, საკრებულოს თავმჯდომარემ, საბა ოდიშარიამ, საგანმანათლებლო რესურს-ცენტრის დირექტორმა, დარეჯან ზარანდიამ. ოლიმპიადის სენაკის მუნიციპალიტეტის მერის პირველი მოადგილე, ბადრი ქუთელია, მერის მოადგილე, ნანა ზარანდია, ადგილობრივი თვითმმართველობის, თეატრალური, საგანმანათლებლო სფეროების და საზოგადოების წარმომადგენლებთან ერთად დაესწრნენ. გამოვლინდნენ გრან-პრის მფლობელი - გენო ადამიას სახელობის პირველი საჯარო სკოლის თეატრალური ჯგუფები; ასევე - ნომინანტები, რომლებიც დიპლომებით და სპეციალური პრიზებით დასაჩუქრდნენ. ჩვენი ქალაქის თეატრალური ცხოვრების ისტორიაში, სასკოლო თეატრალური ოლიმპიადის, ნელს, პირველად ჩატარდა. სასკოლო ოლიმპიადის დაარსებისა და ჩატარების მთავარი მიზანი კულტურის, განათლებისა და თეატრალური ხელოვნების პოპულარიზაცია, თეატრალური ცხოვრებაში მეტი მოზარდის ჩართვა და ნიჭიერი ახალგაზრდების აღმოჩენაა.

პატივი მიაგეს

სენაკში, კიდევ ერთხელ გაიხსენეს 35 წლის წინ, 1989 წლის 9 აპრილს განვითარებული მოვლენები და პატივი მიაგეს დაღუპულთა ხსოვნას. სენაკის მუნიციპალიტეტის მერმა, ვახტანგ გადელიამ, საკრებულოს თავმჯდომარემ, საბა ოდიშარიამ, მერის პირველმა მოადგილემ, ბადრი ქუთელიამ, მერის მოადგილემ, ნანა ზარანდიამ და ადგილობრივი თვითმმართველობის წარმომადგენლებმა, 9 აპრილის მემორიალი ყვავილებით შეამკეს. იოანე ნათლისმცემლის სახელობის საკათედრო ტაძარში, დეკანოზმა იოანე კუპრეიშვილმა, 9 აპრილს დაღუპულთა სულების მოსახსენიებელი პანაშვიდი აღავლინა. „ჩვენი ქვეყნის უახლოესი ისტორიის მნიშვნელოვანი თარიღი ორ მოვლენას აერთიანებს - 1989 წლის 9 აპრილის სისხლიან კვირას და 1991 წლის სახელმწიფოებრივი დამოუკიდებლობის აღდგენის ისტორიულ დღეს. „მადლობა თავისუფლებისთვის“, „მადლობა სამაგალითო ერთობისთვის...“ - 35-ე 9 აპრილის გზავნილმა გაიფურცა ხელოვნების, მოსწავლე-ახალგაზრდობისა და კულტურის ცენტრების ორგანიზებით გამართულ თემატურ საღამოსა და გამოვლენებზე. 9 აპრილის ტრადიციიდან 35



წელი გავიდა. 1989 წლის 9 აპრილს, გამთენიისას საბჭოთა კავშირის შეიარაღებული ძალების ნაწილებმა, პარლამენტის შენობასთან, მშვიდობიანი საპროტესტო აქცია დაარბიეს, რასაც მსხვერპლი მოჰყვა. დარბევის შედეგად, 21 ადამიანი დაიღუპა, ხოლო ასობით მოქალაქე დაუდგენელი შემადგენლობის გაზით მოინამლა. მოგვიანებით, 1991 წლის 9 აპრილს, უზენაესმა საბჭომ საქართველოს სახელმწიფოებრივი დამოუკიდებლობის აღდგენა გამოაცხადა.

საერთაშორისო დღე

აუტიზმის შესახებ ცნობადობის ამაღლების საერთაშორისო დღესთან დაკავშირებით, სენაკის მუნიციპალიტეტის ჯანმრთელობისა და განვითარების ცენტრში, სენაკის მუნიციპალიტეტის საკრებულოს თავმჯდომარე, საბა ოდიშარია, მერის მოადგილე, ნანა ზარანდია, საკრებულოს სოციალურ საკითხთა კომისიის თავმჯდომარე, ინგა ქარდავა, საკრებულოს



ფრაქცია „ქართული ოცნება-დემოკრატიული საქართველოს“ თავმჯდომარის მოადგილე, მანანა გვიჩია, მერიის ჯანმრთელობისა და სოციალური დაცვის სამსახურის უფროსი, ნატალია ხუბუა, ადგილობრივი თვითმმართველობისა და სხვადასხვა სექტორის წარმომადგენლები იმყოფებოდნენ; ცენტრის მესვეურებთან, არსებულ საჭიროებებსა და ამ მიმართულებით დაგეგმილ სამომავლო ხედვებზე ისაუბრეს და სენაკელი მოზარდის, გეგა ფიფიას ნახატების გამოფენას დაესწრნენ.

„ჩვენი მოვალეობაა, სპეციალური საჭიროებების მქონე ადამიანებისთვის, სრულფასოვანი ცხოვრებისა და საზოგადოებასთან ინტეგრაციის საუკეთესო პირობების შექმნა. მადლობა, ჯანმრთელობისა და განვითარების ცენტრს, ცენტრის თითოეულ თანამშრომელს, ჩვენი პატარების მიმართ გამოხატული

სიყვარულის და მზრუნველობისთვის“ - აღინიშნა შეხვედრაზე.

სენაკის მუნიციპალიტეტის მასშტაბით რეგისტრირებული აუტიზტური სპექტრის მქონე მოზარდების განვითარების სტიმულირების, სოციალური ინტეგრაციის ხელშეწყობის, ბავშვებისა და ოჯახის გაძლიერების მიზნით, 2023 წლიდან ხორციელდება აუტიზმის სპექტრის დარღვევის მქონე ბავშვთა რეაბილიტაციის პროგრამა, რომლის მიზანია შემეცნებითი, სოციალური - ემოციური, სოციალური განვითარების, თვითმოვლისა და დამოუკიდებლად ფუნქციონირების უნარების ჩამოყალიბების ხელშეწყობა.

აღნიშნული პროგრამა თავის მხრივ მოიცავს - საჭიროების შემთხვევაში, მულტი-დისციპლინური გუნდის რამდენიმე სპეციალისტის მიერ, ბენეფიციარისთვის ინდივიდუალური განვითარების წლიური გეგმის შესაბამისად, კომპლექსური თერაპიის მიზნობრივ პროგრამის ბიუჯეტი 120000 ლარამდე გაიზარდა. ამ ეტაპისათვის, პროგრამის ფარგლებში, მომსახურებას 31 მოზარდი იღებს. ასევე, შეზღუდული შესაძლებლობების მქონე პირთა დახმარების პროგრამის ფარგლებში, მთელი საბიუჯეტო წლის განმავლობაში, აუტიზმის სპექტრის მქონე მოზარდებისთვის, გათვალისწინებულია ინდივიდუალური ფინანსური დახმარება. მიმდინარე წლიდან, პროექტის - „საჭიროების მქონე ბავშვებისთვის ADOS -ის კვლევის დაწერვა მუნიციპალიტეტში“ ფარგლებში, რისკის მქონე მოზარდებისთვის, მუნიციპალიტეტში, ხელმისაწვდომი გახდა „ოქროს სტანდარტად“ აღიარებული ADOS -ის კვლევის ადგილზე ჩატარება, დიაგნოზის დროული დასმა და მკურნალობის/რეაბილიტაციის დაწყება.

9 აპრილი - დიდი ტრაგედიისა და დამოუკიდებლობის აღდგენის დღე



14 აპრილი - ქართული ენის დღე



საპროექტო წინადადების მიღების ეტაპი

სენაკის მუნიციპალიტეტში, სამოქალაქო ბიუჯეტირების პროგრამის ფარგლებში, საპროექტო წინადადებების მიღების ეტაპი დასრულდა.

პროგრამის ფარგლებში შექმნილმა კომისიამ, შემდეგი შემადგენლობით: სენაკის მუნიციპალიტეტის მერის პირველი მოადგილე, ბადრი ქუთელია, საფინანსო-საბიუჯე-

ქ. სენაკში, ი. სანაიას ქ. N42-ის მიმდებარედ, მუნიციპალურ სკვერში (ს. კ. 44.01.24.568), დასასვენებელი და საბავშვო ატრაქციების მოწყობა კაუჩუკის საფარით; ქ. სენაკში, მშვიდობის ქ. NN 190-200-ის საცხოვრებელი სახლების მიმდებარედ არსებული მუნიციპალური სკვერის რეაბილი-



ტო სამსახურის უფროსი, დონარა ალანია, ადმინისტრაციული სამსახურის უფროსის მოვალეობის შემსრულებელი, რამაზ კუპრეიშვილი, სივრცითი მონაცემებისა და ინფრასტრუქტურის სამსახურის უფროსის მოვალეობის შემსრულებელი, ეკატერინე კიზირია, ადმინისტრაციული სამსახურის იურიდიული განყოფილების უფროსის მოვალეობის შემსრულებელი, სოსო მორგოშია, ადმინისტრაციული სამსახურის ადმინისტრაციულ ერთეულებში საქმიანობის კოორდინაციის განყოფილების უფროსი, დალი შონია - სამუშაო შეხვედრაზე, სამოქალაქო ბიუჯეტირების პროგრამის მნიშვნელობაზე ისაუბრეს და შემოსული საპროექტო წინადადებები განიხილეს.

პროექტის ფარგლებში, სენაკის მუნიციპალიტეტის მერიამ, შემოვიდა 14 საპროექტო წინადადება. კენჭისყრის ეტაპზე 4 საპროექტო წინადადება გადავიდა:

ქ. სენაკში, ჭავჭავაძის 35, 37, 39-ის მრავალბინიანი საცხოვრებელი ბინების მიმდებარედ - ფანჩატურისა და მიმდებარე ტერიტორიის მოწყობა;

ტაცია და სავარჯიშო ტრენაჟორების მოწყობა;

ქ. სენაკში, ჭავჭავაძის ქუჩაზე (საქართველოს ბანკის გვერდით) არსებული სკვერის რეაბილიტაცია;

კენჭისყრის ეტაპი - 15 აპრილიდან 15 მაისამდე განისაზღვრა. გამარჯვებული პროექტის გამოვლენა და პროექტის დამუშავება ბიუჯეტში გათვალისწინების მიზნით - 20 მაისიდან 3 ივნისამდე.

2024 წლის ადგილობრივი ბიუჯეტიდან 100 000 ლარი სრულად მიიმართება სამოქალაქო ბიუჯეტის პროგრამისთვის.

მუნიციპალიტეტის სამოქალაქო ბიუჯეტირების პროგრამის ფარგლებში, ერთი საპროექტო წინადადების განსახორციელებლად საჭირო სავარაუდო თანხის მაქსიმალური ოდენობა არ უნდა აღემატებოდეს 50 000 ლარს.

პროგრამის ფარგლებში, შესაძლებელია დაფინანსდეს მინიმუმ ორი საპროექტო წინადადება.

სამუშაოებს გაეცნო



სენაკის მუნიციპალიტეტის მერი, ვახტანგ გადელია, საკრებულოს თავმჯდომარესთან, საბა ოდიშარიასთან და პირველ მოადგილესთან, ბადრი ქუთელიასთან ერთად, თეფანის ქუჩაზე მიმდინარე სამუშაოებს გაეცნო, სადაც, წლების შემდეგ, პირველად, ადგილობრივი ბიუჯეტის დაფინანსებით, ბეტონის საფარი იგება და საგზაო ინფრასტრუქტურა წესრიგდება. გზის კეთილმოწყობის სამუშაოების ღირებულება 45 963 ლარს შეადგენს.

სპორტული მოედნის მოწყობის სამუშაოები

სენაკის მუნიციპალიტეტში, სპორტული ინფრასტრუქტურის მოწყობა-რეაბილიტაციის პროექტების ფარგლებში, ქალაქის ცენტრალური სტადიონის ტერიტორიაზე, მინი სპორტული მოედნის მოწყობის სამუშაოები, ინტენსიურ რეჟიმში გრძელდება.



პროექტი, ღირებულებით - 497 777 ლარი, ადგილობრივი ბიუჯეტით ფინანსდება. დასრულების ეტაპზეა ხელოვნურსაფარიანი მოედნის, გარე განათების სისტემისა და შემოღობვის კონსტრუქციების მოწყობის სამუშაოები. სამუშაოების მიმდინარეობას სენაკის მუნიციპალიტეტის მერი, ვახტანგ გადელია და პირველი მოადგილე, ბადრი ქუთელია გაეცნენ. ამ ეტაპზე, მუნიციპალიტეტში, რეგიონული განვითარებისა და ინფრასტრუქტურის სამინისტროს დაფინანსებით და მუნიციპალიტეტის მერიის თანადაფინანსებით, მინი სპორტული მოედნები ასევე ეწყობა თეკლათში - გოლასკურის უბანსა და ნოქალაქევი - გახომელას უბანში.

შეხვედრა ქალთა მიმართ ძალადობის კომისიის ინიციატივის ფარგლებში



ქალთა მიმართ ძალადობის ან/და ოჯახში ძალადობის აღკვეთის, ძალადობის მსხვერპლთა დაცვისა და დახმარების მუნიციპალური უწყებათაშორისი კომისიის ინიციატივის ფარგლებში, სენაკის მუნიციპალიტეტის მერის მოადგილე, ქალთა მიმართ ძალადობის ან/და ოჯახში ძალადობის აღკვეთის, ძალადობის მსხვერპლთა დაცვისა და დახმარების მუნიციპალური უწყებათაშორისი კომისიის თავმჯდომარე, ნანა ზარანდია, მერიის ჯანმრთელობისა და სოციალური დაცვის სამსახურის ბავშვთა უფლებების დაცვისა და მხარდაჭერის განყოფილების უფროსთან, მზია ბიგავასთან, განყოფილების სპეციალისტთან, სოციალურ მუშაკთან - ია კიკაბიძესთან, განყოფილების ფსიქოლოგთან, ნიკა ქეცბაიასთან ერთად, თეკლათის ადმინისტრაციულ ერთეულში, მოსახლეობას შეხვდა. შეხვედრაზე, მოსახლეობა დეტალურად გაეცნო სენაკის მუნიციპალიტეტის ჯანმრთელობისა და სოციალური დაცვის პროგრამებს. სენაკის მუნიციპალიტეტის მერის მოადგილემ, ნანა ზარანდიამ, პროგრამების ხელმისაწვდომობასა და მნიშვნელობაზე ისაუბრა და საინფორმაციო შეხვედრა შეაჯამა. ქალთა

მიმართ ძალადობის ან/და ოჯახში ძალადობის აღკვეთის, ძალადობის მსხვერპლთა დაცვისა და დახმარების მუნიციპალური უწყებათაშორისი კომისიის მიერ სამოქალაქო ინიციატივის - „დაარღვიე სიჩუმე - შეაჩერე ძალადობა“ ფარგლებში, სენაკის მუნიციპალიტეტში, ორი პროექტი განხორციელდა: „არტ-თერაპია“ - შესაბამისი მოწყვლადი ჯგუფებისთვის და უწყებათაშორისი კომისიის მეორე ინიციატივა, რომლის მხარდაჭერით ქალთა ფონდი „სოხუში“, სენაკის მუნიციპალიტეტის ჯანმრთელობისა და სოციალური დაცვის პროგრამების სხვადასხვა სამიზნე ჯგუფებისთვის გაცნობას მოიცავს. ინიციატივის ფარგლებში, შეიქმნა ბროშურა და მუნიციპალიტეტის 15-ვე ადმინისტრაციულ ერთეულში, საინფორმაციო შეხვედრები შედგა.

სოლიდარობის ცენტრის ბენდერული ფორუმი



საქართველოს საჯარო მოსამსახურეთა პროფესიული კავშირის სენაკის ორგანიზაციის ორგანიზებითა და სენაკის მუნიციპალიტეტის მერიის მხარდაჭერით, მუნიციპალიტეტის მერიის სხდომათა დარბაზში, სოლიდარობის ცენტრის გენდერული ფორუმის ტრენინგი - „გენდერული თანასწორობა შრომით ურთიერთობებში“ გაიმართა. პლენარული სესიის ფორმატში, ტრენინგის მონაწილეებს, სოლიდარობის ცენტრის პროგრამის ოფიცერმა, ნათია გველესიანმა, დეტალურად გააცნო ისეთი მნიშვნელოვანი საკითხები, როგორცაა: გენდერული თანასწორობა, სექსიზმი და მისი გამოვლენის ფორმები წინასახელმეკრულებო და შრომით ურთიერთობებში, ასევე, ძალადობისა და ფემიციდის ფაქტები, გენდერული თანასწორობის ჩრდილში - სახალხო დამცველის, შრომის ინსპექციისა და სასამართლოს პრაქტიკა. მონაწილეებმა ასევე მიიღეს ინფორმაცია გენდერის სოციალურ და კულტურულ კონსტრუქციებზე, სტერეოტიპებზე, დისკრიმინაციის პრევენციასა და რეაგირების მექანიზმებზე, გენდერული თანასწორობის მიღწევის თვალსაზრისით არსებულ გამოწვევებსა და მათი გადაჭრის გზებზე.

სოლიდარობის ცენტრის მონიტორინგისა და შეფასების ოფიცერმა, ია ყიყინაშვილმა ისაუბრა გენდერულ სახელფასო სხვაობასა და მინიმალურ ხელფასზე. ტრენინგში მონაწილეობა მიიღეს: სენაკის მუნიციპალიტეტის მერიის მოადგილემ, ნანა ზარანდიამ, საკრებულოს სოციალურ საკითხთა კომისიის თავმჯდომარემ, ინგა ქარდავამ, საკრებულოს ფრაქცია „ქართული ოცნება-დემოკრატიული საქართველოს“ თავმჯდომარის მოადგილემ, მანანა გვიჩიამ, მერიის ადმინისტრაციული სამსახურის უფროსის მოვალეობის შემსრულებელმა, რამაზ კუპრეიშვილმა, საქართველოს საჯარო მოსამსახურეთა პროფესიული კავშირის სენაკის ორგანიზაციის თავმჯდომარემ, ვერა კალანდარიშვილმა, სენაკის მუნიციპალიტეტის მერიის სამსახურების ნარმომადგენლებმა. სოლიდარობის ცენტრის გენდერული ფორუმის - „გენდერული თანასწორობა შრომით ურთიერთობებში“ დასასრულს, მონაწილეებს სერთიფიკატი გადაეცათ.

**მუნიციპალიტეტის მერიის
საზოგადოებასთან ურთიერთობის და
ინფორმაციული უზრუნველყოფის
განყოფილება**

ბოშათა დღე

8 აპრილი ბოშათა საერთაშორისო დღეა. აღნიშნულ თარიღთან დაკავშირებით, დღეს, გენო ადამიას სახელობის პირველ საჯარო სკოლაში, ღონისძიება გაიმართა. პირველ საჯარო სკოლაში სამი ბოშა სწავლობს. ღონისძიებას სენაკის მუნიციპალიტეტის მერი, ვახტანგ გადელია, საკრებულოს თავმჯდომარე, საბა ოდიშარია, მერიის პირველი მოადგილე, ბადრი ქუთელია, საგანმანათლებლო რესურსცენტრის უფროსი, დარეჯან ზარანდია, ადგილობრივი თვითმმართველობის, საგანმანათლებლო სექტორის და საზოგადოების ნარმომადგენლები დაესწრნენ. აქტივობა, საქართველოს განათლების, მეცნიერებისა და ახალგაზრდობის სამინისტროს პროგრამის - „განათლების მიღების მეორე შესაძლებლობა სოციალური ინკლუზიით“, ფარგლებში ჩატარდა. პროგრამის კოორდინატორია - პირველი საჯარო სკოლის მენტორი მასწავლებელი, ელისო შურღაია. პროგრამის



ფარგლებში, სკოლაში, სახელგარჯილობის და კითხვის კლუბები ფუნქციონირებენ, რომელთაც პედაგოგი - მამუკა კუჭავა და მსახიობი - ნოდარ მელაძე ხელმძღვანელობენ. თემატურ საღამოზე შესრულდა ბოშური ცეკვები, სიმღერები; ასევე ჩატარდა ვიქტორინა - „ვინ იცის ბოშური ენა?“, გაიმართა პრეზენტაციები - ცნობილ ბოშებზე, ეთნიკური ჯგუფის ისტორიასა და ადამიან-წესებზე. ღონისძიების დასასრულს, პედაგოგები და მოსწავლეები, საქართველოს განათლების, მეცნიერების და ახალგაზრდობის სამინისტროს სიგელებით დაჯილდოვდნენ.

მუნიციპალიტეტის საკრებულოში

2024 წლის 3 აპრილს, გაიმართა სენაკის მუნიციპალიტეტის საკრებულოს საფინანსო-საბიუჯეტო კომისიის სხდომა. დღის წესრიგის მიხედვით გათვალისწინებული იყო ერთი საკითხის განხილვა.



1. სენაკის მუნიციპალიტეტის 2023 წლის ბიუჯეტის შესრულების წლიური ანგარიშის მოსმენისა და შეფასების თაობაზე მომხსენებელი სენაკის მუნიციპალი-

ტეტის საკრებულოს საფინანსო-საბიუჯეტო კომისიის თავმჯდომარე, ბადრი კალანდარიშვილი, თანამომხსენებელი სენაკის მუნიციპალიტეტის მერიის საფინანსო-საბიუჯეტო სამსახურის უფროსი, დონარა ალანია.

კომისიის წევრთა უმრავლესობის გადაწყვეტილებით, სენაკის მუნიციპალიტეტის 2023 წლის ბიუჯეტის შესრულების წლიური ანგარიში დადებითად შეფასდა.

2024 წლის 8 აპრილს, გაიმართა სენაკის მუნიციპალიტეტის საკრებულოს ქონების მართვისა და ეკონომიკური საკითხების კომისიის სხდომა. დღის წესრიგის მიხედვით გათვა-

მომხსენებელი სენაკის მუნიციპალიტეტის საკრებულოს ქონების მართვისა და ეკონომიკური საკითხების კომისიის თავმჯდომარე, ბადრი ხურცია.



ლისწინებული იყო ერთი საკითხის განხილვა
1. სენაკის მუნიციპალიტეტის საკუთრებაში არსებული უძრავი ქონების სახელმწიფოსათვის საკუთრებაში უსასყიდლოდ გადაცემის თაობაზე.

კომისიის წევრებმა, კომისიის სხდომის დაწყებამდე ობიექტი ადგილზე დაათვალიერეს. კომისიის წევრებმა ერთხმად დაუჭირეს მხარი აღნიშნულ საკითხს.



2024 წლის 11 აპრილს გაიმართა სენაკის მუნიციპალიტეტის საკრებულოს სამანდატო, საპროცედურო საკითხთა და ეთიკის კომისიის სხდომა. დღის წესრიგის მიხედვით გათვალისწინებული იყო ერთი საკითხის განხილვა
1. "სენაკის მუნიციპალიტეტის ადმინისტრაციულ საზღვრებში არსებულ ტერიტორიაზე წვრილფეხა ან/და მსხვილფეხა პირუტყვის კერძო საკუთრებაში არსებული ფართის გარეთ ყოლის აკრძალვის ღონისძიებების დამტკიცების შესახებ" სენაკის მუნიციპალიტეტის საკ-

რებულოს 2018 წლის 23 აპრილის №43 დადგენილებაში ცვლილებების შეტანის თაობაზე". მომხსენებელი სენაკის მუნიციპალიტეტის საკრებულოს სამანდატო, საპროცედურო საკითხთა და ეთიკის კომისიის თავმჯდომარე, ირაკლი კალანდარიშვილი. კომისიის წევრებმა ერთხმად დაუჭირეს მხარი აღნიშნულ საკითხს. **ალექსი დეფურიძე, საკრებულოს აპარატის უფროსი სპეციალისტი საინფორმაციო საკითხებში**

სასიამოვნო სიახლე

100 წლის ისტორიის მქონე გაზეთი „კოლხეთი“, რომელსაც მხედველობიდან არასოდეს გამორჩენია მნიშვნელოვანი კულტურული, საგანმანათლებლო თუ საზოგადოებრივი მოვლენა, უმნიშვნელოვანეს სიახლედ თვლის სასკოლო თეატრალური ოლიმპიადის ჩატარებას პირველად სენაკში. აღნიშნული პროექტი მოსწავლე-ახალგაზრდობას არამარტო ესთეტიკურ და მაღალმხატვრულ გემოვნებას უყალიბებს, არამედ სრულად აცნობებს ქვეყნის



კულტურას, ტრადიციას და ხასიათს. რედაქციის სახელით გვინდა მადლობა გადავუხადოთ პროექტის ინიცია-

ინდივიდუალური პირებით დამთავრებული. „თეატრი ესაა სამყარო, მშვენიერი და მომხიბლავი, ემოციური, ესთეტიკური, სადაც თავს იყრის ადამიანთა ცხოვრებისეული გამოცდილება“. სრულიად სენაკს ვულოცავთ ამ სიახლეს. **„კოლხეთელი“**

პირველად არსებობის მანძილზე



მიმდინარე წლის მარტის ბოლოსა და აპრილის დასაწყისში ჩვენი პატარა ქალაქის მოსახლეობა ისტორიული მოვლენის მხილველი გახდა. სენაკის თეატრში არსებობის მანძილზე პირველად ჩატარდა თეატრალური ოლიმპიადა. რას ნიშნავს ეს? ნიშნავს იმას, რომ ქალაქში აღდგა ქართული კულტურისადმი ლტოლვა და ინტერესი. ახალგაზრდებში გაღვივდა სურვილი ხელოვნების ამ დარგის საფუძვლიანად გაცნობისა. მოსწავლეებმა შეძლეს აესახათ, შემდეგ კი გარდაესახათ ის რეალობა რომელშიც ცხოვრობენ და რომლის ნაწილიც თავადვე არიან. რა გახლავთ თეატრის და ზოგადად ხელოვნების ამა თუ იმ დარგის მიზანი? ცხადია ადამიანში კათარზისის გამოწვევა და მისი სულიერად განმეხილვა, ზეცამდე ამაღლება. გვიხარია, რომ ეს ყოველივე შეძლეს ჩვენმა ახალგაზრდებმა, მათ მაყურებლის გულეში ერთდროულად აღძრეს სიხარულის, აღტაცების, სინანულის განცდები, ამოგზაურეს სხვადასხვა სამყაროში ისინი და უხვი ემოციებით დასაჩუქრეს. ჩვენ ხვალისთვის სხვაგვარ სენაკში გავიღვიძებთ, ამისთვის პერსონალური, განსაკუთრებული მადლობა რეჟისორს, ბატონ ვახტანგ ნიკოლაევს.

თეატრის დირექტორს ირაკლი ადამიას, მსახიობებს ლადო კოკაიას, თამარ აბშილავას და ეკა კოლუას, ასევე ლალი გაბელაიას. მათი ინიციატივით დღეს ახალგაზრდები ენთუზიაზმით აღსავსენი და ბედნიერები არიან, მათ აქვთ მიზნები, რომელთა განსახორციელებლადც მზად არიან ბევრი იშრომონ. თქვენი წყალობით ამიერიდან სენაკში სხვაგვარი სიო იქროლებს. მინდა მადლობა გადავუხადო ჩვენს მოსწავლეებს, სკოლის დირექტორს ბატონ მამუკა ჯოჯუას, მშობლებს, კოლეგებს გამხსენებლისა და გვერდში დგომისათვის. თქვენ ჩემი უდიდესი სტიმული და მთავარი ძალა ხართ. IV კლასის მოსწავლეებმა წარმოადგინეს ზღაპარი „სათაგურის“ ინსცენირება რომელშიც მონაწილეობდნენ: ლიზი ჩოჩია, ლუკა ჩოჩია, მათე ხურცია, დიანა ბახტაძე, ლიზი გრიგოლია, ნიკოლოზ ნინუა, ირინა თათარიშვილი, ნინი გოგავა. მაყურებელმა, ყოფილი ჩვენი წარმოდგენა კარგად მიიღო და სასიხარულო შეფასებაც მივიღეთ, გადმოგვეცა საუკეთესო ნორჩ თეატრალთა დასის დიპლომი, ასევე გამოვლენილ იქნა ყოურის სიმპათია ნინი ხარებავა: **დალი გოგიჩაიშვილი სისბ სოფელ ახალსოფლის საჯარო სკოლის IV კლასის დამრიგებელი**

„ქართული მართო ენაა?!“

ერთხელ დაბადებული ქართველი კაცი მეორედ მაშინ იბადება, როცა იაკობ გოგებაშვილის „დედაენას“ ხელში პირველად აიღებს. აიღებს, გაშლის და თითქოს ისევ დაიბადაო, - ამ სამზერს უცებ სხვაგვარად ხომ დაინახავს და დაინახავს, სხავანაირადაც გაიზარებს.

ჰოდა, იმ დღეს რა დაგვაინწყებს, ამ უპირველესი ნიგნის ყდაზე ამოქარგული ბულბულის სტვენა როცა ერთბაშად გავიგონეთ და შიშით, აქ არ გაგვიფრინდესო, ხელი მაშინვე დავაფარეთ.

მისი ტკბილი სტვენა-ჭიკჭიკი, ღამით მთვარეში გაკიდებული ნაზი ქვითინი განა მას აქეთ არ გვესმის ხოლმე?

ქართულს შორს აქვს ფესვები გადგმული. მსოფლიოში არსებულ დამწერლობათა სისტემებს შორის ერთ-ერთი მთავარი ადგილი მას ღირსეულად ეთმობა. „იუნესკომ“ ქართული ანბანი მსოფლიო მემკვიდრეობის ნუსხაში შეიტანა.

ქართულ ენას აქვს თვითმყოფადი ანბანი (მხედრული), რომელიც არის ნუსხურის განვითარების შედეგი, ხოლო ნუსხური კი, თავის მხრივ მიღებულია ასომთავრულისაგან (იგივე მრგოლიანი).

გამოჩენილმა ქართველმა ისტორიკოსმა ლეონტი მროველმა ქართული მწიგნობრობის შემომღებლად ქართველთა მეფე ფარნავაზი მიიჩნია.

„და ესე ფარნავაზ იყო პირველი მეფე ქართლსა შინა ქართლოსისა ნათესავთაგანი. ამან განავრცო ენა ქართული და არღა იზრახებოდა სხვა ენა ქართლსა შინა თვინიერ ქართულისა და ამან შექმნა მწიგნობრობა - ი ქართული“ - ვკითხულობთ „ქართლის ცხოვრებაში“.

ქართული დამწერლობა შექმნილია არა უგვიანეს 284 წლისა ძვ.წ. აღ.-ით.

ქართული ენა ეროვნული ენაა. იგი ჩვენი, ქართველების დედაენაა, რომელიც ქართველი ერის ხანგრძლივი და თავდადებული შემოქმედების პროდუქტია. ეს ენა ისევე ძველია, როგორც თვით ქართველი ხალხი და მისი გმირული ისტორია.

„ქართულ ენაში ასახულია, როგორც ეს ყველა ენაში ხდება ხოლმე, მისი შემქმნელი და მატარებელი ხალხის, ამ შემთხვევაში ქართველი ერის ნარსული, ანმყო და მომავალი, მისი ზნეობრივი და გონებრივი ცხოვრება“ (ვ.თოფურია).

ენა, როგორც ცნობილია, ერის მეობის ძირითადი ნიშანია.

„ენა არის ყველაზე ცოცხალი, ყველაზე უხვი და მტკიცე კავშირი, რაც ერთ დიად ისტორიულ ცოცხალ მთლიანობად აერთიანებს ხალხის გარდასულ, ცოცხალ და მომავალ თაობებს. ენა არა მარტო გამოხატავს ხალხის სიცოცხლის ძალას, არამედ იგი თვით არის ეს სიცოცხლე.“

„როდესაც ქრება ხალხის ენა, თვით ხალხიც აღარ არსებობს“ (კ. უშინსკი).

მართლაც, დედაენის დამკარგავ ხალხს მოეღოს „დაქვეითება, გადატაცება, დაცემა, აღმოფხვრა, გაქრობა“ (ი.გოგებაშვილი) ჩვენმა დიდმა წინაპრებმა კარგად იცოდნენ, რომ დედაენა „არის ეროვნული ძალა, მთავარი ბურჯი ეროვნებისა“ (ი.გოგებაშვილი).

მათ ისიც კარგად ჰქონდათ შეგნებულო, რომ „ერის ცხოვრება, მისი დიდება დაცემა არს ენით; რა ენა ნახდეს, ერიც დაეცეს, ნაცხობს ჩირქი ტაძარსა წმინდას“; (გრ. ორბელიანი) რომ „მტრობა ენის არს მტრობა ქვეყნისა“ (ილია).

ქართული ენა არის „განვითარებული, გაშლილი, კულტურული, მდიდარი როგორც ლექსიკონით, ისე გრამატიკული ფორმებით, ენა სრულის ორგანიზაციისა, უმაღლესის ხარისხისა“ (ი.გოგებაშვილი).

ქართული ენით ყველაფერი გამოითქმება, რაც დედამინაზე შეიძლება გამოითქვას რა გინდა რა ენით“ (ნ.მარი).

ქართული ენა რომ ერთი უმდიდრესი ენათაგანია მსოფლიოში, ეს არაერთგზის არის აღნიშნული უცხოელ მკვლევართა მიერაც.

ქართული ენა ქართველი ერის სიხარულითა და ტკივილებით აღსავსე ხანგრძლივი სულიერი ცხოვრების უტყუარი და მართალი მატანია. ეს ენა, როგორც ძველი სამწერლობო ენა, მუდამ ასახიერებდა მთელი ქართველობის კულტურული ერთობისა და ეროვნული მთლიანობის შეგნებას.

„ქართული ენა, - წერდა აკაკი, ინახება ხალხში, იქ არის ენის საღარო“. ამ საღაროს მიმართავდა აკაკი და ამაზე დაყრდნობით ქმნიდა თავის მდიდარ მხატვრულ შემოქმედებას.

ამ ენაზე შექმნილი შედეგები მსოფლიოს გააცნეს შოთამ, ილიამ, აკაკიმ, ვაჟამ, გალაკტიონმა და უჩვენეს ძალა მისი უკვდავებისა.

რაც კი შეუქმნია კაცობრიობას თავისი განვითარების გრძელ და რთულ გზაზე, ერთ-ერთი ყველაზე დიდი და მნიშვნელოვანი კულტურულ ღონისძიებათა შორის ენა გახლავთ ენობრივი ფენომენი, რომლის საიდუმლოების ამოცნობა მრავალი ინტერესის აღმძვრელია მეცნიერებაში.

ბევრი რამაა საამაყო საქართველოში - ძალიან ბევრი რამ, მაგრამ ყველაზე უფრო საამაყო ქართული ანბანი, საამაყო და თვალისჩინივით მოსაველეო.

ქართული ანბანის გარეშე წარმოუდგენელია ქართული ენა, ქართული ენის გარეშე - ქართული ანბანი, ორთავეს გარეშე - საქართველო, საქართველოს გარეშე - ორთავე. (მ.მაჭავარიანი)

დიდი ილია ბრძანებდა: ენა საღვთო რამ არის, საზოგადო საკუთრებაა, მაგას კაცი ცოდვილის ხელით არ უნდა შეეხოს.

დიდი კონსტანტინესი არ იყო: „მშობლიური ენის სწიმინდის დაცვისთვის ბრძოლა ისეთივე საპატიო საქმეა, როგორც ხმლით დაცვა საკუთარი სამშობლოსი“, რადგანაც „ერის ცხოვრება, მისი დიდება, მისი ისტორია დაცულ არს ენით, / რა ენა ნახდეს, ერიც დაეცეს, ნაცხობს ჩირქი ტაძარსა წმინდას“ (გრ. ორბელიანი).

დაიხ, ქართული მართოდენ ქართველთა ენა კი არ არის, არამედ მათი სინდის-ნამუსია, მათი შემოქმედების მუზაა, უკეთესი მერმისისათვის ბრძოლის იმედია, მათი რწმენაა, დიახ, რწმენა, რადგანაც „დამარხულ არს ენაი ქართული დღემდე მეორედ მოსვლისა მისსა სანამებლად, რაითა ყოველსა ენასა ღმერთმა აზილოს ამით ენითა და ესე ენაი მძინარე არს დღესამომდე და სახარებასა შინა ამას ენასა ღაზარე ჰქვიან... და ესე ენაი შემკული და კურთხეული სახელითა უფლისათა, მდაბალი და დანუნებული, მოელის დღესა მას მეორედ მოსვლისა უფლისა“ (იოანე ზოსიმე).

1978 წელს 14 აპრილი ოფიციალურად გამოცხადდა დედაენის დღედ. მას ძველიც დაუდგა ქართველმა ხალხმა და ჩვენი ვაჟი დავიცვათ იგი, შემოვუნახოთ მომავალ თაობებს, მსოფლიოს დავუმტკიცოდ სიყვარულის, ლექსის და ღმერთების ენის სიდიადე.

„მაღალ კვარცხლბეკზე წიგნი უნდა იდგეს, ოქროს ზარნიშინი და გადაშლილი წიგნი, რომ მთელი ერი ხედავდეს. ასეთი წიგნი ორი მეგულეა საქართველოში - „ვეფხისტყაოსანი“ და „დედაენა“ (ნ.დუმბაძე).

მართლაც, რომ დიდებული საუფჯეა ჩვენი მეობისა, თვითმყოფადობის უძლეველობისა ჩვენი ენა ქართული, საქართველოს მთებში გაჩენილი, სადღეგრძელოს, ლექსის, სიყვარულის ენა, რწმენის, უკეთესი მერმისისათვის ბრძოლის ენა.

„ქართული მართო ენაა?! - ქართული ქართველთა რწმენაა! ღმერთია! ბედისწერაა! ზღვა როა! - იმოდენაა!“ (მ.მაჭავარიანი).

ინგა ზარანდი,

სენაკის მუნიციპალიტეტის სოფელ ძველისენაკის საჯარო სკოლის ქართული ენისა და ლიტერატურის მასწავლებელი

აგადემიკოს თეოფანე დავითიას საღამო



28 მარტს ჟ. შარტავას სახელობის მხარეთმცოდნეობის მუზეუმში ჩატარდა ქართველი აკადემიკოსის, დამსახურებული მოღვაწის, სსრკ-სა და საქართველოს სახელმწიფო პრემიის ლაურიატის, ჩვენი რაიონის ღირსეული წარმომადგენლის თეოფანე დავითიას საღამო.

საღამო ჩატარდა, თეოფანე დავითიას მუზეუმისა და სენაკის ჟ. შარტავას სახელობის მხარეთმცოდნეობის მუზეუმის ერთობლივი მონაწილეობით.

ეკის საჯარო სკოლის მოსწავლეებმა დამსწრე საზოგადოების წინაშე საინტერესო პრეზენტაცია წარადგინეს. გამომსვლელებმა: მუზეუმის სპეციალისტმა, სენაკის საპატიო მოქალაქემ დამირ კუჭავამ, ეკის საჯარო სკოლის დირექტორმა ლელა სიჭინავამ, ეკის მკვიდრმა, მე-7 საჯარო სკოლის დირექტორმა ბიძინა ტაბაღუამ, თეოფანე დავითიას მუზეუმის სპეციალისტმა თეა ხუნჯუამ, მხარეთმცოდნეობის მუზეუმის სპეციალისტმა, მწერალმა ბორის დავითიამ ისაუბრეს თეოფანე დავითიას მიღწევებზე კლიმატოლოგიისა და აგრომეტეოროლოგიის დარგში დამსახურებაზე, რომ ის წლების განმავლობაში იყო საქართველოს გეოგრაფიული საზოგადოების პრეზიდენტი, დიდი

დამსახურება მიუძღვის საქართველოს ეკოსისტემის გაუმჯობესების საქმეში, მიწვეული იყო კუბის რესპუბლიკაში, იაპონიაში, ლექციებს კითხულობდა მსოფლიოს წამყვან უნივერსიტეტებში, 1978 წელს ხელმძღვანელობდა იუნესკოს N6/1 პროექტის შედგენას „ადამიანი და ბიოსფერო, გაისხენეს ეპიზოდები ბიოგრაფიიდან. ისურვეს მისი მსგავსი ადამიანები, ერის სასახელოდ კვლავაც აღიზარდონ სამეგრელოში.

ღონისძიება გაალამაზა ეკის თემისა და სენაკის კულტურის ცენტრის მომღერალთა ანსამბლმა „ეგრისმა“.

საღამოზე მონაწილეები იყვნენ. სენაკის მუნიციპალიტეტის მერიის განათლების, კულტურის, სპორტისა და ახალგაზრდობის სამსახურის უფროსი სპეციალისტი, ირმა კუპრეიშვილი. მოსწავლე-ახალგაზრდობისა და კულტურის ცენტრის დირექტორის მოვალეობის შემსრულებელი, ნათია ეჯიბია, დირექტორის მოადგილის მოვალეობის შემსრულებელი, გურანდა შამათავა, თვითმართველობისა და საზოგადოების წარმომადგენლები.

მაია ლაშქარაძე

ჟ. შარტავას სახელობის მხარეთმცოდნეობის მუზეუმის მეცნიერ-მუშაკი

მშობლივი პრეზენტაცია

ქართველი ებრაელი კონკურსი პირველი არ ყოფილა. მანამდე იყო არაერთი გამარჯვება. „მხატვრული კითხვა ადრეული ასაკიდან, | კლასიკალ აჯიამვილის დაბადებიდან 80 წლისთავს მიძღვნილი ტრადიციული მხატვრული კითხვის კონკურსი, რომელიც ჩატარდა მოსწავლე-ახალგაზრდობისა და კულტურის ცენტრში, სენაკის მუნიციპალიტეტის მერიის განათლების, კულტურის, სპორტისა და ახალგაზრდობის სამსახურის ორგანიზებითა და სენაკის საგანმანათლებლო რესურს ცენტრისა და ა(ა) იპ სენაკის მუნიციპალიტეტის მოსწავლე ახალგაზრდობისა და კულტურის ცენტრის მხარდაჭერით. კონკურსში მონაწილეობას ლეზულოდნენ მუნიციპალიტეტის საჯარო სკოლების მოსწავლეები.

კონკურსის ორგანიზატორმა | ადგილზე გასულ მეშვიდე საჯარო სკოლის XII კლასის მოსწავლეს საბა სიგუას გადასცეს სიგელი და ფულადი პრიზი. კონკურსისთვის საბამ თვითონ შეარჩია მუსიკალური ფონი, რომლის თანხლებითაც წაიკითხა ლიტერატურული ნაწარმოები, მისთვის ეს



დიდ იმედებს ამყარებს - „საბა განსაკუთრებულია, იშვიათად შეხვდები ასეთ ნიჭიერ, მოწესრიგებულ, მიზანდასახულ, ზრდილობიან ახალგაზრდას. უფალმა უმრავლეს ჩვენს ქვეყანას საბასნაირი ახალგაზრდები“.

ჩვენც დარწმუნებული ვართ, რომ რა პროფესიაც არ უნდა აირჩიოს საბამ, ის ყველგან მიაღწევს წარმატებას და ასახელებს მშობლიურ სკოლას და მუნიციპალიტეტს. ვუსურვებთ მას წინსვლასა და ახალ-ახალ გამარჯვებებს.

მ. ბერბაია

მზია მასწავლებელს ძალიან უყვარს თავისი ნიჭიერი მოსწავლე და მასზე

და მასზე

ებრაულ-ქართული სულის სინთეზი...

(ეძღვნება, ჯემალ აჯიაშვილის დაბადებიდან 80 წლის იუბილეს)

იშვიათობაა ასეთი მოუსვენარი შემოქმედებითი, საზოგადოებრივი, პირადი ცხოვრებით იცხოვროს კაცმა, ორი „საკრალური“ არსით გაჯერებულმა - ქართველმა ებრაელმა და თავისი პოეტური, მთარგმნელობითი, პუბლიცისტური საქმიანობით შთამბეჭდავი კვალი დაამჩნიოს როგორც ქართულ, ისე მსოფლიო კულტურულ გარემოს.



ასეთი განძი ყველგან არ არის, რთულია მისი აღმოჩენა და მოპოვება, ჩვენ ქართველებს და განსაკუთრებით სენაკელებს, განგებამ გვარგუნა ბედნიერება, რომ გვეყოლოდა ბატონი ჯემალ აჯიაშვილი - დაგვენახა, შევხებოდით, მოვეფერებოდით და უბრალოდ გვეამაყუნა მისით. ამ ბუმბერაზი პიროვნების რეგალიებს რა ჩამოთვლის, უბრალოდ ძირითადს გამოვყოფ - ის იყო - საქართველოს ებრაელთა მსოფლიო კონგრესის ვიცე-პრეზიდენტი, საქართველოს მწერალთა და თეატრალურ მოღვაწეთა კავშირების წევრი, სახელმწიფო პრემიის ლაურეატი, პარიზის ქართულ-ევროპული ინსტიტუტის, ილია ჭავჭავაძისა და ივანე მაჩაბლის სახელმწიფო პრემიების ლაურეატი, ღირსების ორდენის კავალერი; მან თარგმნა მსოფლიო კლასიკური პოეზიის ნიმუშები: ბიბლიური ფსალმუნები, ანდალუსიელი ებრაელი პოეტების ლექსები, „სპარსული რენესანსული ეპოქის“ ისეთი კორიფეების შემოქმედება, რომლებიც იყვნენ: ფირდოუსი, საადი, ომარ-ხაიამი, ძველბერძნული ლექსები, შექსპირის, ჩიკამაცუს, ტირსო დე მოლინას, კარლო გოცის დრამატული პოემები, დანტეს, პეტრარკას, მიქელანჯელოს, რილკეს სონეტები, ვლადიმერ მაიაკოვსკის, ბორის პასტერნაკის და სხვათა პოეტური შემოქმედება.

კოტე მარჯანიშვილის სახელობის დრამატულ თეატრში წარმატებით დაიდგა ჯ. აჯიაშვილის მიერ თარგმნილი კარლო გოცის პოემა-ზღაპარი „ცისფერი უკუთეთი“.



ჩიკამაცუს დრამატული პოემა „შეყვარებულთა თვითმკვლელობა ციურ ბადეთა კუნძულზე“.

ქართველთა და ებრაელთა ურთიერთობას მწერალმა უძღვნა ისტორიული პიესა-მონოლოგი - „გაიღვიძე, ქნარო!“, რომელიც პირველად 1988 წელს დაიდგა ისრაელში, ხოლო შემდგომ, საქართველოში, კოტე მახარაძის მიერ - ერთი მსახიობის თეატრში...

რთულია, ასეთი შემოქმედებითი ისტორიის მქონე ადამიანის ღვაწლი, შესაბამისი პატივით დააფასოს - მისი დაბადებიდან 80 წლის იუბილეს უძღვნა ღონისძიებათა მთელი კვირეული, მაგრამ სენაკის მუნიციპალიტეტის შესაბამისი ორგანოების, ქალაქის მერის, ბატონ ვახტანგ გადელიას ხელმძღვანელობით და უშუალოდ მერიის განათლების, კულტურის, სპორტის და ახალგაზრდობის სამსახურის ჩართულობით, ეს გამოწვევა იქნა მიღებული და წარმატებით განხორციელებული.

ღონისძიებების კვირეული 18 მარტს დაიწყო და 24 მარტს დასრულდა.

ყოფილი შარტავის მუზეუმში ჩატარდა ბატონი ჯემალის ხსოვნისა და შემოქმედებისადმი მიძღვნილი საღამო. სადაც გაიმართა რეჟისორ მიხეილ ჭიაურელის ფილმის - „ვარსკვლავთა ჩრდილში მალაია თანას“ ჩვენება;

ქალაქის საჯარო ბიბლიოთეკაში მოეწყო მისი 80 წლის იუბილესადმი მიძღვნილი თემატური გამოფენა; ასევე, კვირეულის ფარგლებში, სახვითი ხელოვნების გალერეაში, ყოფილი შარტავის სახელობის მე-2 საჯარო სკოლის მოსწავლეებმა, ქართული ენისა და ლიტერატურის პედაგოგთან, მაია დგებუაძესთან ერთად, თემატური ლიტერატურული გაკვეთილი წარმოადგინეს;

საჯარო სკოლის მოსწავლეთა მონაწილეობით, მოსწავლე-ახალგაზრდობისა და კულტურის ცენტრში, პოეტის შემოქმედებისადმი მიძღვნილი, ტრადიციული მხატვრული კითხვის კონკურსი გაიმართა, რომელშიც პირველი ადგილი მე-7 საჯარო სკოლის მოსწავლემ, საბა სიგუამ დაიკავა, მეორე ადგილი ნილად ხედა მესამე საჯარო სკოლის მოსწავლეს, ალექსი ჟვანიას, მესამე ადგილზე გავიდნენ პირველი და მეორე საჯარო სკოლების მოსწავლეები - გოჩა ცომია და დავით კვიციანი. საღამო მოსწავლე-ახალგაზრდობისა და კულტურის ცენტრის სპეციალისტს, ლია ღვამბერიას მიეყვანა. კონკურსანტებს, მეტყველებასში და არსტისტიკაში, აფასებდნენ: აკაკი ხორავას სახელობის სენაკის პროფესიული სახელმწიფო დრამატული თეატრის მსახიობები - თამარ აბშილავა და ტარიელ ზურაბაშვილი, მხატვრული კითხვის კონკურსის 2022 წლის გამარჯვებული, უშანგი ჩიქობავა.



კვირეულის დასკვნით ეტაპზე, 24 მარტს, მისივე სახელობის სკვერში, მწერლის ბარელიეფი ყვავილებით შემოკო, დიდი ქართველი ებრაელი საზოგადო მოღვაწის ხსოვნას პატივი მიაგეს: საქართველოს განათლებისა და მეცნიერების მინისტრის მოადგილემ, თამარ მახარაშვილმა; მწერალმა, მთარგმნელმა, მანანა დუმბაძემ; რეჟისორმა მიხეილ ჭიაურელმა, ქართველმა და ებრაელმა სტუმრებმა, ჯემალ აჯიაშვილის მეგობრებმა, ადგილობრივი თვითმმართველობისა და საზოგადოების წარმომადგენლებმა. ბარელიეფის შემოკობის შემდეგ, ქალაქის სტუმრებმა, ჯემალ აჯიაშვილის სახელობის სინაგოგა მონაწილეობეს.

მარტის თვის უჩვეულოდ ცივი და წვიმიანი ამინდების ფონზე, ბუნებამაც გაიღო თავისი „ხარკი“ ბუმბერაზი პიროვნების, ჩვენი სასიქადულო მამულოშვილის, თანაქალაქელის, უბრალოდ - ადამიანის, ბატონი ჯემალ აჯიაშვილის წინაშე და 24 მარტის დასკვნითი „თეატრალური საღამო“ გაზაფხულის თბილ და შთამბეჭდავ კადრად გვიქცია. სენაკის აკაკი ხორავას სახელობის სახელმწიფო დრამატულ თეატრში გამართულ ღონისძიებაში, მუნიციპალიტეტის ხელმძღვანელობამ, შესაბამის სამსახურებთან ერთად, არაჩვეულებრივი საღამო გვაჩუქა. ზომიერად, ყოველგვარი პათეტიკურობის გარეშე, გადმოგვცა ჩვენი ქალაქის (და არა მხოლოდ) ოქროს ფონდის - ბატონი ჯემალის ცხოვრების ცალკეული ეპიზოდები, მისი ღვაწლი ქართულ-ებრაული ურთიერთობების განვითარებისა და კიდევ უფრო გამყარების სფეროში... სენაკის თეატრალურმა დასმა, გულწრფელი არტისტიკით წარმოადგინა ებრაელი ხალხის მრავალსაუკუნოვანი ისტორია, თავისი დრამატული ეპიზოდებით, ასევე - ებრაელი და ქართველი ერების მჭიდრო არქაიკული კავშირები, მათი როლი რეგიონალური, თუ მსოფლიო კულტურის ფორმირების სფეროში... საღამოს ამშვენებდნენ ქართველ-ებრაელთა გენის შესანიშნავი წარმომადგენლები, კულტურის მოღვაწეები, ბატონები - ჯემალ სეფიაშვილი, თემურ ყვითელაშვილი, ქართველ ებრაელთა ასოციაციის თავმჯდომარე, ბატონი მერაბ ჩანჩალაშვილი...

განათლების მინისტრის მოადგილემ, ქალბატონმა თამარ მახარაშვილმა ისაუბრა ბატონი ჯემალის ღვაწლზე ქართული და ზოგადად მსოფლიო მეცნიერების სფეროში, მის ფანტიკურ სიყვარულზე საქართველოსადმი, მისი ისტორიისადმი, კულტურისადმი.



თამარ მახარაშვილი - ალავერდოზა დღეს, ბატონ ჯემალ აჯიაშვილთან კახეთში ყოფნისას, ერთ-ერთმა ადგილობრივმა მოსახლემ დააპირა ჩვენთვის გიდობის განევა, ნურას უკაცრავად, დიდმა მგოსანმა, პირიქით, ადგილობრივი სივრცის იდეალურად ცოდნის უნარი გამოავლინა და თვითონ მოგვევლინა გზამკვლევადა. აღნიშნულთან დაკავშირებით წარმოგიდგინებ მის მიერ ექსპრომტად დაწერილ ლექსს, დაკავშირებულს ალავერდის სანახებში ჩაკირულ, ისტორიის ამ უნიკალურ ძეგლზე - „თითქოს შენივთდა დროის ნისლი და ქარბორია, ცისა და მიწის სილაყვარდე და ხავერდობა, გარდასულ დღეებს შევეუთვალეთ ჩვენი შენდობა და კვლავ მივეყვებით სადღეისო ფიქრს და ფორიაქს. თვლემს სახედარი, მზეზე ფიქრობს, მზე კი შორია, ჰყვება მეგზური ათას ამბავს, თუმც ვინ ენდობა?! და ღვინის თასში მოთუხთუხე ალავერდობა ერთ ქვაბში ხარშავს ტყუილ-მართალ მის ისტორიას. ხალხი თავს იქცევს მონათხრობით თუ მოჭორილით, და დროის ძახილს მიეცემა ამ ჩოჩორივით, ეს კი ვერც ამჩნევს სავალალო ფერისცვალებით შეთითხნილ ანწყოს, ლიტონ ანწყოს, ანწყოს მკვეხარას და ოცნებებში ჩაბინდული ლურჯი თვლებით შემრიგებლურად შემოჰყურებს ცას და ქვეყანას“.

სენაკის მუნიციპალიტეტის მერმა, ბატონ ვახტანგ გადელიამ, საინტერესოდ წარმოგიდგინა ებრაელი ხალხის სიყვარული საქართველოს, ქართული ენისა და მისი კულტურისადმი, მან გაიხსენა, რომ მისი ისრაელში ვიზიტით



სას, 30 წლის წინ საქართველოდან წასული ებრაელები, თუ როგორი სუფთა ქართული მეტყველებით შეეგებნენ მას, რა სიტობო და მონატრება გამოხატეს მის მიმართ, რომ ქართველი ებრაელები და მათი შთამომავლები დღესაც ფლობენ და ეფერებიან ქართულ ენას, ხელოვნებას (ცეკვას, სიმღერას და ა.შ.).

მუნიციპალიტეტის მერმა დააანონსა საინტერესო ინიციატივა - სენაკის მუნიციპალიტეტის ისრაელის ერთ-ერთი ქალაქთან დაშვებების თაობაზე...

ღონისძიების მიწურულს, სენაკის მუნიციპალიტეტის მერს, ბატონ ვახტანგ გადელიას, ებრაელთა ასოციაციის თავმჯდომარემ, ბატონმა მერაბ ჩანჩალაშვილმა ქართულ-ებრაული ურთიერთობების განვითარებაში შეტანილი განსაკუთრებული წვლილისთვის, დიპლომი გადასცა. ბევრ ასეთ საღამოს ვუსურვებ სენაკის მუნიციპალიტეტს, მადლობას მოვხსენებ მის ხელმძღვანელობას საინტერესოდ ჩატარებული ღონისძიებისთვის...

ბოლოს, ორიგინალური და მომბეჭრებელი არ ვიქნები მკითხველი აუდიტორიის წინაშე, უბრალოდ, თავს მივცემ ნებას, ორიოდ სიტყვით გადმოგვცეთ ჩემი დასკვნითი ემოცია: პირველ რიგში, კიდევ ერთხელ ვიდრეც ქედს ჯემალ აჯიაშვილის ხსოვნის წინაშე, რომელმაც თავისი შემოქმედებითი მოღვაწეობით, მნიშვნელოვანი აგური დადო ისეთ საკაცობრიო ფასეულობათა მშენებლობაში, როგორიცაა: სიყვარული, მშვიდობა, ერთგულება, ერთა შორის მშვიდობიანი თანაარსებობა და ა.შ. დიას, ის თავის საქმიანობით - მთარგმნელობით, ლიტერატურულ, პოეზიის, თეატრალურ თუ სხვა საზოგადოებრივ მეცნიერებათა სფეროში ემსახურებოდა საყოველთაო დიალექტიკას.

გიორგი ბარუჩავა

ჩემი ყველა ნახატი ჩემი სულის ნაწილია



30 მარტიდან 12 აპრილამდე სენაკის სამხატვრო გალერეა მასპინძლობდა თვითნასწავლი მხატვრის ნუკრი შამათავას პერსონალურ გამოფენას. გამოფენაზე წარმოდგენილი იყო ხელოვანის მიერ სხვადასხვა დროს შექმნილი ფერწერული ნამუშევრები, რომელთა დიდი ნაწილი საოცარი სიზუსტით ასახავს მშობლიური ქალაქის პეიზაჟებსა და სივრცეებს.

ნუკრი შამათავას დამთავრებული აქვს თბილისის ივანე ჯავახიშვილის სახელობის სახელმწიფო უნივერსიტეტი, რომლის დამთავრების შემდეგ მუშაობდა სხვადასხვა თანამდებობებზე. 1992-96 წლებში მუშაობდა სოციალური სამსახურის უფროსად, 1996-2003 წლებში მექანიკური ქარხნის დირექტორია, 2003-2010 წლებში ფოთის ნისქვილ-კომბინატის გენერალური დირექტორის მოადგილე. 2014 წლიდან შპს „ოსოს“ დირექტორია, 2017 წლიდან კი სენაკის მუნიციპალიტეტის საკრებულოს წევრი. ჩვენ შეხვედით ბატონ ნუკრის, ვისა-

უბრეთ მის შემოქმედებაზე, სამომავლო გეგმებზე.

გთავაზობთ საუბრის მოკლე შინაარსს ხატვა ადრეული ასაკიდან დაიწყო, ალბათ იმდროიდან, როცა ფანქრების ხელში დაჭერა შეეძლო. შემდეგ მთელი დღეები დავმჯდარიყავი და მხატვა. ჩემს ბავშვურ ნახატებში გადმოვცემდი საკუთარ ფიქრებსა და შინაგან სამყაროს. სამხატვრო განათლება არსად არ მიმიღია, რადგან მშობლები თვლიდნენ, რომ უფრო სერიოზული განათლება უნდა მიმეღო. მეც დავყევი მათ ნებას. შემდეგ იყო დიდი პაუზა. ხატვა დაიწყო კორონის დროს, როცა შეზღუდვები იყო, ფაქტურად სახლიდან ვერ გავდიოდი. თავიდან პატარა ზომის ტილოთი დავიწყე. როცა მეგობრებმა, ახლო-



ლებმა ნახეს ჩემი ნამუშევრები და ძალიან მოეწონათ, გადავწყვიტე უფრო სერიოზულობით მოვკიდებოდი საქმეს და დიდი ფორმატის ტილოები შემექმნა. ასე გაჩნდა ჩემს ნამუშევრებში თეატრი,

ციხე-გოჯი არქეოპოლისი”, ორმოცმონამეთა, კოლხური ოდა... ჩემთვის მუშაობის პროცესი არის ძალიან საინტერესო. შემიძლია საათობით ვიჯდე და ვხატო. ვხატავ ზეთის საღებავებით, ჩანახატებს ფანქრით, გამოიყენებია სხვადასხვა მხატვრების ასლები, რომ გამომეცადა ჩემი შესაძლებლობები სხვადასხვა მიმდინარეობაში. ვთვლი, რომ მე უფრო რეალისტი მხატვარი ვარ.

რაც შეეხება ჩემს პერსონალურ გამოფენას, არასდროს მიფიქრია გამომეფინა ჩემი ნამუშევრები, ერთგვარად გამოიჭირდა კიდევ ამ ნაბიჯის გადადგმა. იმის ფონზე, ჩვენთან იმდენი პროფესიონალი, კარგი მხატვრები არიან და არ ჰქონიათ გამოფენა, მე კი თვითნასწავლი მხატვარი. უხერხულად ვგრძნობდი თავს. მხოლოდ მეგობრების (რომელთა უმრავლესობამ არც კი იცოდა რომ ვხატავდი) დაუინებელი თხოვნის შემდეგ გადავწყვიტე შემეგრძობინა ჩემი ნამუშევრები და მომეწყო გამოფენა. აქვე მინდა ყველას ვუთხრა მადლობა, ვინც კი დრო გამონახა და მოვიდა ჩემი ნახატები დაათვალიერა არასოდეს მიფიქრია დამეხატა გასაყიდად, რადგან მხატვრობას არ ვუყუარებ, როგორც ბიზნესს. ყველა ჩემი ნამუშევარი მიყვარს და არ მემეტება. რადგანაც თითოეული მათგანი არის ჩემი შინაგანი გამოძახილი - ემოციები, ენერგიები, ყოველდღიური და ცხოვრებისეული განცდები.



ჩემი ყველა ნახატი არის ჩემი სულის ნაწილი.

ძირითადად მიყვარს ქართველი მხატვრები: ფიროსმანი, ელენე ახვლედიანი, ლადო გუდიაშვილი.

რაც შეეხება ჩემს სამომავლო გეგმებს, მირჩიეს ხატვრა შემეხსნავლა, ჯერ გადამწყვეტილი არა მაქვს, ვნახოთ, დრო გვიჩვენებს. ამჟამად ვმუშაობ ორ ტილოზე, მაქვს მოწვევა ქუთაისის სამხატვრო სალონიდან და თბილისის საგამოფენო დარბაზიდან.

ვულოცავთ ბატონ ნუკრის პირველ პერსონალურ გამოფენას და ვუსურვებთ შემოქმედებით წარმატებებს.

ესაუბრა მ. შონია

ბორის დავითაიას მორიგი წიგნი

მე-19 საუკუნის მეორე ნახევარში საფრანგეთის სამეფო დინასტიის წარმომადგენლის - აპოლონიუსისა და ქართველ არისტოკრატთა -სამეგრელოს მთავრის, დავით და ეკატერინე დადიანების ქალიშვილის, სალომეს ქორწინებამ პარიზში გახდა დიდი ზეიმი. შექმნილი პოლიტიკური მდგომარეობის გამო ახლად დაოჯახებულები ჩამოვიდნენ სამეგრელოში და საფუძველი ჩაუყარა ქართველ მურატთა ოჯახს. მიურატებს არ დასჭირვებიათ ნიღბები, ფერისცვალება და ფარისევლიური თამაშები, ფრანგი პრინცი ჩვეული გულითადობით მიიღო ქართველმა საზოგადოებამ.

მრავალმხრივი იყო მიურატთა საქმიანობა და მთრთოლვარე ხმა. როგორც ორი ერის უკვდავი ლოცვის განუწყვეტელი ექო.

პრინციესა ანტუანეტა კატერინა, იგივე ბებე, აპოლიუსა და სალომეს უმცროსი ქალიშვილია, რომელიც სამეგრელოში დაიბადა და საქართველოს მოქალაქე გახდა. კნენა ბებეს ლალი ბავშვობის წლები მიკროსამყაროა. ის თავად ყვება და აღწერს თუ რარიგად გრძნობს მშობლიურ ცისა და მიწის მიზიდულობას. კოლხეთის სურნელოვან ვრცელ, მობიბინე ველებსა და მუდამ გადათოვლილ კავკასიონის მწვერვალების სიამაყეს. პრინციესას მონაყოლი გახლავთ ლეგენდებითა და მითებით გამთბარი რეალობა. მეოცნებე ქალის ნატიფი ფიქრებით გადმოცემული ინტიმური სამყარო. მისი სულის ფარული ლტოლვა, მისი ვნებების, მისი სევდისა და დამსხვრეული ოცნებების კალიდოსკოპი.

ხელებდაკაპინებული ბებე გვერდით ედგა მამას, ახლადმოშენებული ოჯახების ზვრებში. მოწვეულ პროდუქცია გაჰქონდათ საზღვარგარეთ. გადის წლები, კატერინა უკმაყოფილოა პირადი ბედნიერების არ ქონით, მაგრამ საქართველოს თითოეული გოჯი მინა მისთვის საფიცარია. განძია, შეუდარებელია. აცხადებს, რომ უფალმა დაანათლა სისხლით ფრანგს და დაბადებით ქართველს, იყოს ორი მეზობელი და გაუტყუელი სულის ხალხის შთამომავალი. იგივეს განიცდიან ბებეს ძმები, ნაპო და ლუსიენი. ისინი მიდიან პირადი ბედნიერების საძებნელად, მაგრამ ყოველ ჯერზე ბრუნდებიან საქართველოში, დედუღეთში.

მწერალ ბორის დავითაიას მშვენიერი ნაშრომი „ბებე“ ისტორიული ტრილოგიის მესამე წიგნია. მას წინ უძღვის ეგრისის სამეფოს ბრძოლების ეპოპეა „მზე ქარიშხალში“ გამც. 2018 წ. ასევე, მოცულობით დიდი რომანი, სამეგრელოს არაორდინალური მთავრის, ლევან - 2 დადიანის ცხოვრებისა და მოღვაწეობის ამსახველი ორტომეული „უგვირგვინო მეფე“ გამ-2021 და 2022წ.

ვფიქრობ, რომ მწერალი ბევრ რამეზე ფიქრობს, ბევრ რამეს ხედავს და აფასებს. გასული ყოფის ისეთ სინამდვილეს აქცევს ყურადღებას, რომელიც ჩვენი განვლილი ცხოვრების რეალობა და სინამდვილეა.

იზორ კაპელია, ისტორიის მეცნიერებათა დოქტორი

ჩვენი ღვიზი - ერთად ყველაფერს შევძლებთ!

23-24 მარტს რუსეთში, კერძოდ სანკტ-პეტერბურგში ჩატარდა 2024 წლის ტურნირი ICTF ლია ტაეკონდოს მსოფლიო თასი, „ჩრდილოეთ პალმირას თასი“, რომელშიც 8 ქვეყნის თითქმის 600 სპორტსმენი მონაწილეობდა. ჩვენი ქვეყანა წარმოდგენილი იყო 6 სპორტსმენით: ლუკა სიჭინავა, იოანე გოგოლიშვილი, ნიკოლოზ ნურნუშია, ოთო დემურია. გიორგი ხოფერია და ცოტნე მიშველაძე.

სახელოვნად იასპარეზეს ჩვენმა პატარა სპორტსმენებმა მესამე საჯარო სკოლის მოსწავლეებმა ლუკა სიჭინავამ და იოანე გოგოლაშვილმა, რომლებმაც ტოლი არავის დაუდეს და მსოფლიო ჩემპიონის ტიტული მოიპოვეს. ვულოცავთ ჩვენს გამირებს წარმატებას და არა მარტო მათ, არამედ სენაკს, სრულიად საქართველოს, განსაკუთრებით მწვრთნელს, ბატონ ლაშა ჯოლოგუას, რადგანაც ეს ბიჭები ასეთი კარგები რომ არიან, სწორედ მისი დამსახურებაა.

ლაშა ჯოლოგუა გახლავთ საქართველოს ICTF ფედერაციის პრეზიდენტი, შავი ქამრის მფლობელი, სამგზის მსოფლიო ჩემპიონი, საქართველოს მრავალგზის ჩემპიონი, სხვადასხვა სართაშორისო ტურნირების გამარჯვებული... 2021 წლიდან სენაკში ეწევა სპორტულ საქმიანობას.

ბატონ ლაშას მიუფლოცეთ მისი შეგირდების ესოდენ დიდი გამარჯვება და ვთხოვეთ ესაუბრა ტურნირზე, თავის მოსწავლეებზე, მათ მიღწევებზე, სამომავლო გეგმებზე.

პირველ რიგში მადლობა ყურადღებისათვის. ტაეკონდო ეს არის ალმოსავლური, კერძოდ კორეული ორთაბრძოლა, რომელიც ძალიან

პოპულარული და პერსპექტიული სპორტის სახეობაა. მისი მიზანია ახალგაზრდების ჩაბმა სპორტში მათი ფიზიკური და სულიერი გაკაუების მიზნით, მოზარდთა შორის თავისუფალი დროის რაციონალური გამოყენების, სპორტული უნარ ჩვევებისა და მორალური ღირებულებების ჩამოყალიბებისათვის.



რაც შეეხება ტურნირს, გამომდინარე იქიდან, რომ ყველა მონაწილე ქვეყანა იყო ძალიან ძლიერი და გამოცდილი სპორტსმენებით დაკომპლექტებული, კმაყოფილი ვარ ჩემი მოსწავლეების მიღწევებით. პატარებმა თავი არ დაზოგეს და მართლაც რომ სახელოვნად იასპარეზეს. ლუკა და იოანემ ძლიერი მეტოქეები დაამარცხეს და ჩემპიონის ტიტულიც დამსახურებულად მოიპოვეს. ცოტა დააკლდათ გამარჯვებისთვის ნიკოლოზს და ოთოს, მაგრამ მათ გამოცდილება შეიძინეს. ოთხივე მათგანს ბევრი წარმატებები აქვთ მოპოვებული: ნიკოლოზი 8 წლისა და არაერთი შეჯიბრი აქვს მოგებული, იოანე საქართველოს ჩემპიონის ტიტულის მფლობელია და მჯერა, რომ ისინი კიდევ ბევრჯერ გვასახლებენ.

მიხარია, რომ ჩვენი წარმატება უყურადღებოდ არ დარჩათ და



მშობლიურ სკოლაში(დირექტორი მ.ნანეიშვილი) გულთბილი შეხვედრა მოუწყვეს პატარა ჩემპიონებს. ეს ერთგვარი სტიმული იყო მათთვის.

მინდა ვისარგებლო შემთხვევით და გადავუხადო მადლობა იმ ადამიანებს, რომლებმაც დასამახსოვრებელი შეხვედრა მოგვიწყვეს მსოფლიო თასის ჩემპიონატიდან დაბრუნებულებს. ასევე მინდა მადლობა გადავუხადო სკოლა ლიცეუმის დირექტორს, ქალბატონ ნანა ნორაკიძეს თანადგომისათვის, რომელმაც თავისი სკოლაში გამოგვიყო პატარა დარბაზი საჯარჯიშოდ.

ჩემთვის ძალიან მნიშვნელოვანია თითოეული ჩემი მოსწავლე, მათი წარმატებები. ჩვენ დაულაღვი შრომის შედეგად კიდევ ბევრ წარმატებას მივაღწევთ. ჩვენი დევიზია-ერთად ყოფნით ყველაფერს შევძლებთ

კიდევ ერთხელ ვულოცავთ გამარჯვებას ბატონ ლაშას თავისი მოსწავლეების წარმატებას. ვუსურვებთ კიდევ მრავალი მსოფლიო ჩემპიონი აღეზარდოს და ესახელებინოს ჩვენი პატარა სენაკი და საქართველო

მ. ჭუბაბრია

„გამარჯვების გზებზე ვდგებით“

26 მარტს საქართველოსა და საბერძნეთის ეროვნულ ნაკრებებს შორის გაიმართა საფეხბურთო მატჩი, რომელიც „ბორის პაიჭაძის სახელობის“ სტადიონზე ჩატარდა. შეხვედრა დრამატული სცენარით წარიმართა და დაგვირგვინდა პენალტების სერიით - 4-2 საქართველოს ნაკრების სასარგებლოდ. აღნიშნული გამარჯვებით საქართველოს ეროვნული საფეხბურთო ნაკრები, დამოუკიდებელი საქართველოს ოცდაათწლიან ისტორიაში, პირველად გავიდა „ევროპის საფეხბურთო ჩემპიონატზე“, რაც უდიდესი მუხტის, ემოციის მატარებელი გამოდგა სრულიად საქართველოსთვის. იმ საღამოს გამარჯვების სიხარულით დამუხტული დიდი და პატარა, ერი და ბერი ზეიმობდა. ეს იყო საერთო სახალხო ზეიმი, რომლის ამსახველ ფოტოკოლაჟსა და ემოციებით დამუხტულ სიტყვებს გთავაზობთ დღეს:

ირაკლი კობახიძე, საქართველოს პრემიერ-მინისტრი - „დღეს არის უბედნიერესი დღე და ეს არის ის ბედნიერება, რომელიც ჩვენ გვაერთიანებს! მე პირადად, როგორც ერთი გულშემოტივარი, 30 წელი ველოდებოდი ამ დღეს 1994 წლიდან და ბიჭებმა უდიდესი ბედნიერება მოგვანიჭეს. ეს ბიჭები არიან გმირები და გმირებს სჭირდებათ დაფასება. ესენი არიან ყველაზე ღირსეული ხალხი და ამიტომ, შალვა პაპუაშვილთან ერთად, პატარა გადაწყვეტილება მივიღეთ - ჩვენი ბიჭები წარდგენილი იქნებიან ღირსების ორდენზე, თითოეული მათგანი!“

კახა კალაძე, ქალაქ თბილისის მერი - 2024 წლის 26 მარტი ოქროს ასობით ჩაინერება დამოუკიდებელი საქართველოს ისტორიაში.



დაბადებიდან - 130

ქართული მხარეთმცოდნეობისა და ეთნოგრაფიის ერთ-ერთი ფუძემდებელი

სერგი მაკალათიას (1893-1974 წწ.) გამორჩეული ადგილი უჭირავს ქართული მეცნიერების ისტორიაში, არა მხოლოდ როგორც ქართული მხარეთმცოდნეობისა და ეთნოგრაფიის ერთ-ერთი ფუძემდებელი, არამედ როგორც უშიშარ პიროვნებასაც. იგი ქედს არ უხრიდა მამინდელ სისტემას და თვით უშიშროებასაც, რომელიც უხეშად ერეოდა მის საქმიანობაში. 1942 წელს დააპატიმრეს კიდევ, მაგრამ არც ამას შეგუებია. განთავისუფლებული კვლავაც თავისი მრწამსით აგრძელებდა ცხოვრებას და ქართულ საქმეს ემსახურებოდა, დაუფარავად გმობდა ყოველ ანტიქართულ ქმედებასა და გამოხატვებს, ღიად გააპროტესტა 1956 წლის სისხლიანი 9 მარტი. მისი გამბედაობა ექსპედიციების დროსაც იჩენდა თავს, განსაკუთრებით საქართველოს ოკუპაციის შემდეგ (1921 წ.), კინალამ სიცოცხლის ფასად რომ დაუჯდა, მაგრამ უკან არასდროს დაუხეია. მის წინააღმდეგ ინტრიგებსაც არ გაუბოროტებია, - სადა მცალია მაგათთვის, - იტყოდა თურმე, - იმდენი საქმე მაქვს გასაკეთებელიო.



სერგი მაკალათიას შეუპოვრობა სხვა მხრივაც იჩენდა თავს. თუკი მუზეუმიდან დაფინანსებას ვერ იღებდა, ექსკურსიამძღოლად ფორმდებოდა და ასეთ პირობებში აგროვებდა მასალებს. საამისოდ ფოტოხელოვნებასაც დაეუფლა. ხატვა ეხერხებოდა და ჩანახატებსაც აკეთებდა. მისი ფათერაკებით საცხე ცხოვრება საოცარი თავგადასავალიცაა, შესანიშნავი მასალა დოკუმენტური, თუნდაც მხატვრული ფილმის გადასაღებად.

სერგი მაკალათია რომ არა, საქართველოს სხვადასხვა მხარის ყოფა-ცხოვრება არათუ შესწავლილი, არამედ აღწერილიც არ იქნებოდა, სამუდამოდ გაქრებოდა ხალხის მიერ საუკუნეების განმავლობაში დაგროვილი გამოცდილება და სიბრძნე, რომელსაც, წმინდა სამეცნიერო ღირებულების გარდა, პრაქტიკული დანიშნულებაც აქვს, რაც დღევანდელ მეურნეთათვისაც მნიშვნელოვანია.

მიუხედავად მრავალი ხელშემშლელი პირობისა, XX საუკუნის 30-იანი წლებიდან მოყოლებული, გამოდიოდა მისი მონოგრაფიები: „ხევი“, „მთის რაჭა“, „თუშეთი“, „ხევსურეთი“, „მესხეთ-ჯავახეთი“, „ფშავი“, „სამეგრელოს ისტორია და ეთნოგრაფია“, „ატენის ხეობა“, „ბორჯომის ხეობა“, „თემის ხეობა“, „ლესურის ხეობა“, „ლიახვის ხეობა“, „ფრონის ხეობა“, „ძამის ხეობა“, „ქსნის ხეობა“ და სხვ. ხეობების მიზანმიმართული კვლევით სერგი მაკალათიამ ფაქტობრივად ვახუშტი ბაგრატიონის საქმე გააგრძელა. ეს შრომები დღესაც მეცნიერთა სამაგიდო ნიგნები, ხალხისთვის კი, თავის დროზე მოუთმენლად რომ ელოდა მათ გამოსვლას, ნამდვილი საუნჯე და სამშობლოსადმი პატრიოტული გრძნობების გამღვივებელი იყო.

ბიბლიოგრაფიულ იშვიათობად ქცეული აღნიშნული ნიგნების ხელმეორედ გამოცემა ცხოვრებისეული აუცილებლობაცაა და საჭიროა როგორც მკვლევართათვის, ისე სამშობლოს წარსულის მოყვარული ქართველებისთვის.

სამეგრელოში მიღებულმა შთაბეჭდილებებმა, სადაც სერგი მაკალათია დაიბადა და გაიზარდა, ეთნოკულტურულმა გარემომ, კლასიკურმა განათლებამ, აღმოსავლეთის ხალხების ისტორიის ღრმა ცოდნამ ხელი შეუწყო მის წარმატებულ სამეცნიერო მოღვაწეობას. ივანე ჯავახიშვილის ხელმძღვანელობით გავლილმა სკოლამ (გაგრძელება მერვე გვერდზე)



ლამაზი დღე

მოგესხენებათ 21 მარტი არის დაუნის სინდრომის მსოფლიო დღე. სწორედ ამ დღესთან დაკავშირებით სსიპ სენაკის მუნიციპალიტეტის სოფელ ახალ სოფლის საჯარო სკოლის სპეც მასწავლებლის ქალბატონ ნაზი წულეისკირის ორგანიზებით მოსწავლეები

და მასწავლებლები ესტუმრნენ ბენეფიციართა დღის ცენტრს „სიკეთეს“, ხელმძღვანელი ვალენტინ მახათაძე.

მასპინძელმა ქალბატონმა ლელა ოდიშარიამ დიდი სიყვარულით და პატივისცემით მიიღო სტუმრები. მოსწავლეებმა სხვადასხვა მუსიკალური ნომრით გაახალისა ბენეფიციარები, რომლებმაც ასევე ნაიკითხეს ლექსები და მუსიკალურ ნოტზე დასრულეს საღამო. ქალბატონმა ლელა ოდიშარიამ მადლობა გადაგიხადა და სტუმრობისთვის და გვისურვა მომავალში ლამაზი დღეები.

დ. გობიჩაიშვილი

უსაზღვრო მადლიერება

ჯანმრთელობის პრობლემების გამო, რამდენიმე დღე დავყავი თბილისში, შპს „ლია გული“ - საუნივერსიტეტო ჰოსპიტალში, სადაც მედიცინის მუშაკთა მაღალპროფესიონალიზმით გამორჩეული გუნდისაგან მაღალი სტანდარტების მკურნალობა მივიღე.

ჩემი მკურნალი ექიმი გახლდათ სენაკის მკვიდრი, მზია და ავთანდილ ჩარგაზიების ქალიშვილი, ქალბატონი ნანა ჩარგაზია-ყვანია, ფაქტობრივად ოჯახის წევრი, რომელთანაც მეზობლობის გარდა, მირონობა მაკავშირებს.

ყურადღებისათვის მადლობა მედიცინის დოქტორს, ნევროლოგიური სამსახურის ხელმძღვანელს, ქალბატონ ეთერ ხითარიშვილს, ექიმებს: ჩხორონყუს მუნიციპალიტეტის მკვიდრს - ეკა თოდუასა და სენაკელს, გულის ექოსკოპისტს - ნანა გვაძაბას, ექთნებს: ნინო გოქაძესა და ლედი ბადალაშვილს.

თითოეული მათგანის მიმართ, კიდევ ერთხელ მინდა უსაზღვრო მადლიერება და მონივნება გამოვხატო, დიდი ადამიანური გულისხმიერებისა და საუკეთესო მკურნალობისათვის.

პატივისცემით მარინა აბრამია



ქართული მხარეთმცოდნეობისა და ეთნოგრაფიის ერთ-ერთი ფუძემდებელი

(გაგრძელება)

სერგი მაკალათია საქართველოს ისტორიის იმ სიღრმეებსა და მასშტაბს ეზიარა, რაც დღეს ახალ ვითარებასა და პირობებში კიდევ უფრო აქტუალურია, როდესაც საქართველოს ისტორიის არაერთი მხარე თავიდან გადასახედი და გასაზრებელია. ამ თვალსაზრისით განსაკუთრებით მნიშვნელოვანია სერგი მაკალათიას ის შრომები, რომლებიც ისეთ ურთულეს და დღესაც აქტუალურ პრობლემებს ეხება, როგორცაა აღმოსავლეთის დიდ ცივილიზაციებთან კულტურულ-გენეტიკური ნათესაობა. საამისოდ მეცნიერს მოხმობილი და გაანალიზებული აქვს უნიკალური ეთნოგრაფიული მასალები, რაც სათანადოდ გამოყენებული და გაანალიზებული არ არის ამ საკითხებზე მომუშავე მკვლევართა მხრიდან. ამ რიგის შრომებს შორის განსაკუთრებული ადგილი უჭირავს სერგი მაკალათიას ადრეულ გამოკვლევას ღვთაება მითრას კულტის შესახებ. მაშინ ჯერ კიდევ ახალგაზრდა მეცნიერმა ქართულ ისტორიოგრაფიაში და საკითხი პირველმა დასვა და შეისწავლა. მანვე დაასაბუთა ამ კულტის არსებობა საქართველოში, კავკასიაში მისი გავრცელების მთავარ პლაცდარმად კი კაპადოკია მიიჩნია, რაც უაღრესად საყურადღებოა და მხედველობაში მისაღები. ქართულ მასალაზე დაყრდნობით უჩვენა მეგრული წარმართული მირსას ან მისარიონის კავშირი ირანულ-აღმოსავლურ მითრასთან („მიზრასთან“), რომელიც სინათლის ღვთაებად მიიჩნეოდა. სათანადო ეთნოგრაფიული მასალების მოხმობით მან დაასაბუთა, რომ ქრისტიანობის პერიოდში, წმინდა გიორგიმ თანდათანობით შეცვალა მითრას რწმენა და კულტი და, რომ სამეგრელოს სინამდვილეში „ჯეგე-მისარონის“ (წმ. გიორგი-მითრას) სახელწოდება შეინარჩუნა.

ეთნოგრაფიული მასალების სიღრმისეული კვლევის შედეგად მან გამოთქვა მოსაზრება ისტორიის გარკვეულ ეტაპზე ქართველური ტომების სარწმუნოებრივი ერთიანობის შესახებ, რაც ეხმარება ქართული ისტორიოგრაფიის უმნიშვნელოვანეს დებულებას ქართველ ტომთა ერთიანი ეთნიკური საწყისის შესახებ. სერგი მაკალათიამ თქმულება ამირანზე და „შაჰ-ნამეს“ ქართული ვერსიები შეადარა ავესტასა და მითრას შესახებ არსებულ მითებს და მის შორის მსგავსება შენიშნა.

სერგი მაკალათია ასეთივე დიდი წარმატებით მუშაობდა არქეოლოგიასა და ნუმისმატიკაში. მან ნახევარი საუკუნის მანძილზე „იმდენის გაკეთება შედო, რაც ერთი მოზრდილი, მრავალდარგოვანი ინსტიტუტისთვისაც კი ცოტა

არ იქნებოდა“ (იულონ გაგომიძე). სერგი მაკალათიამ არქეოლოგიური და ნუმისმატიკური კოლექციები მოაწვდინა. მუზეუმების კოლექციები არაერთი საინტერესო უნიკალური მონეტით გაამდიდრა. ქართული ნუმისმატიკის ერთ-ერთი საინტერესო ფურცლადაა მიჩნეული მის მიერ სამეცნიერო ლიტერატურაში შემოტანილი კირმანეულის ტიპის უნიკალური მონეტა, რომელიც მან სამართლიანად ვამეყ დადიანს (XIV ს.) მიაკუთვნა. მანვე დაფანტიკან იხსნა და მეცნიერება გაამდიდრა სეფიეთის ცნობილი ნუმისმატიკური განძით და სხვ.

სერგი მაკალათია ერთ-ერთი პირველი პროფესიონალი არქეოლოგია. მის სახელთანაა დაკავშირებული რეკას, დვანის, ტყვიავის გათხრები და გვიანანტიკური სამარხების კვლევა. მას, როგორც არქეოლოგს, დიდად აფასებდა ბორის კუფტინი, მის მუშაობას ყოველთვის თვალს ადევნებდა და მის მიერ წარმართულ გათხრებსაც ესწრებოდა. ამ დარგში სერგი მაკალათიამ არაერთი საინტერესო გამოკვლევა დატოვა: „არქეოლოგიური აღმოჩენები საქართველოში, სოფელ საკობიანოში და ალაიანში“, „არქეოლოგიური აღმოჩენები მეჯუდის ხეობაში“, „1920-1924 წლებში საქართველოში აღმოჩენილი ზოგიერთი ნეკროპოლის დათარიღებისათვის“, „გორის ნეკროპოლის დათარიღება“, „ყორღანული ტიპის ბალთები დვანიდან“ და სხვ.

განუზომელია სერგი მაკალათიას წვლილი სამუზეუმო საქმიანობაშიც. მან დიდი დახმარება გაუწია ყაზბეგის, მესტიის, ცაგერის, მარტვილის, კასპის მუზეუმებს ექსპონატებით გამდიდრებისა და გამოფენების მოწყობის საქმეში, ხშირად თავადაც ფიზიკურად მუშაობდა. განსაკუთრებულია მისი დამსახურება, როგორც დამარტვილისა, გორის ისტორიულ-ეთნოგრაფიული მუზეუმის წინაშე, რომელიც 2006 წლიდან მის სახელს ატარებს. მან წარუშლელი კვალი დატოვა გორის სამეცნიერო და საზოგადოებრივ ცხოვრებაში, რის თაობაზეც ხსოვნას დღემდე მონიშნებთა და სიყვარულით ინახავენ. ამ ქალაქის პედაგოგიურ ინსტიტუტში იგი ათწლეულების მანძილზე ლექციებს კითხულობდა, როგორც ერთადერთი და პირველი პროფესორი. ეთნოგრაფიის დარგშიც იგი საქართველოში პირველი დოქტორი იყო. მისი წვლილი დიდია გორის ინსტიტუტის ეგიდით ქართლში ჩატარებულ ეთნოგრაფიულ, არქეოლოგიურ და ნუმისმატიკურ კვლევებსა და ამ ინსტიტუტის საერთაშორისო ასპარეზზე წარმოჩენაში. აღნიშნული ინსტიტუტის (ამჟამად უნივერსიტეტის) საარქივო მა-

სალებიდან ჩანს, რომ საქართველოს ისტორიის შესახებ არსებულ თითქმის ყველა ღონისძიებას სერგი მაკალათია უძღვებოდა, მაშინ, როდესაც ამ სფეროს ყოველმხრივ ავინრობდნენ. თუმცა მეცნიერი ამ შემთხვევაშიც ვერ გატყუეს. სტუდენტებში ცოდნასთან ერთად დიდ ეროვნულ მუსტსა და მოქალაქეობრივ მრწამსს ალვივებდა. როგორც წესი, ისტორიულ ძეგლებზე დაყავდა და ამ ძეგლებზე, როგორც ქვეყნის წინაშე ვალდებულებებზე, დიდი გატაცებითა და სიყვარულით ყვებოდა. ადამიანის შეფასების მისი მთავარი კრიტერიუმი იყო ის, თუ ვის როგორ უყვარდა სამშობლო და როგორ ემსახურებოდა მას.

მაშინდელი სისტემის მსახურნი დრომ ისე გააქრო, როგორც ქრებიან მედროვენი. სერგი მაკალათიას ცხოვრება და მოღვაწეობა კი, რაც დრო გავა, კიდევ უფრო დიდ მნიშვნელობას შეიძენს და არაერთი თაობისთვის სამშობლოს ერთგულებისა და მისდამი თავდადების მისაბამ მაგალითად დარჩება.

ქართველი მკითხველი მალე იხილავს წიგნს, სადაც გამოჩენილი ქართველი მეცნიერის, საქართველოს ისტორიისა და ეთნოგრაფიის აღიარებული მკვლევრის, საქართველოში მხარეთმცოდნეობის ფუძემდებლის, პროფესორ სერგი მაკალათიას მიერ სხვადასხვა სამეცნიერო კრებულებსა და პერიოდულ კრებებში გამოქვეყნებული ნარკვევებია თავმოყრილი. კრებული ნათელ წარმოდგენას შეგვიქმნის მეცნიერის მიერ ამ მიმართულებით ნახევარი საუკუნის მანძილზე გაწეულ მუშაობაზე.

წიგნის შედგენასა და გამოსაცემად მომზადებისას კარგად გვესმოდა არა მხოლოდ მისი სამეცნიერო მნიშვნელობა, არამედ ერთგვარ მორალურ ვალდებულებასაც ვგრძობოდით საქართველოს ისტორიის გამოჩენილი მკვლევრის ხსოვნის წინაშე.

ეს წიგნი ძვირფასი საჩუქარი იქნება საქართველოს ისტორიის, არქეოლოგიის, ეთნოგრაფიის, ნუმისმატიკის, მხარეთმცოდნეობის, სამუზეუმო საქმის საკითხებით დაინტერესებული მეცნიერებისა და ფართო მკითხველი საზოგადოებისთვის, ასევე დიდად წაადგება უმაღლეს სასწავლებლებსა და საჯარო სკოლებს. მანამდე კი, მკვლევრის დაბადების 130-ე წლისთავზე, ასევე საუკეთესო საჩუქარია სერგი მაკალათიას ორი წიგნი: „თორი“ და „ქართველი მეფეები“, რომლებიც უკვე გამოიცა გამომცემლობა „არტანუჯის“ მიერ.

მანანა ბაბაშვილი,
ისტორიის მეცნიერებათა დოქტორი
იმორ კეკელია, ისტორიის დოქტორი

ლელა საბახტარაშვილი

14 აპრილს ერთი წელი შესრულდა შენი არყოფნიდან. საოცრად მტკივნეულია და გაუსაძლისი უშენობის განცდა. ახალგაზრდულ ასაკში შექმნილი თავი დაგემკვიდრებინა საზოგადოებაში. უმაღლესი იურიდიული განათლების მიღების შემდეგ, ჯერ სენაკის რაიონულ სასამართლოში, შემდეგ მუნიციპალიტეტის მერიის იურიდიულ სამსახურში ემსახურებოდი არჩეულ პროფესიას. რომ არა ვერაგი დაავადება, კარიერულ წინსვლას შეძლებდი და მეუღლესთან, მამუკა ჯანჯღლავასთან ერთად შეილებს ნიკოლოზს და საბას ქვეყნის ღირსეულ მოქალაქეებად აღზრდიდი. თუმცა შენი ოჯახი ყველაფერს გააკეთებს, რომ ზავს შეუდგობა არ ვაგრძნობინოთ, მივცეთ ის მატერიალური და სულიერი ღირებულებები, რისთვისაც შენ ისწრაფოდი. გამორჩეულად უჭირს დედას ნანის, გაუსაძლისია მისი სულიერი ტკივილი, მამამ, ტარიელმა ვერ გაუძლო დიდ ტკივილს და სულ მალე შენს გვერდით დაიღო ბინა. ერთად ხვდებით აღდგომის ბრწყინვალე დღესასწაულს, გვჯერა, რომ ჩვენი ლოცვა და დანთებული სანთლები გზას გინათებთ მარადიულ სასუფეველში.




ჩვენო ლამაზო და კეთილმო ლელა ჩვენთვის დაცარიელდა სამყარო უშენოდ, მხოლოდ სიზმარული ხილვები შემოგვრჩა შენს დებს სოფოს და თეას, მეუღლეს, შვილებს, დისშვილებს ანუკის და ანრის, ახლობლებს, მეგობრებს. შენ ძალიან ჭირდებოდი ოჯახს, საზოგადოებას. თან გაგყვა ბევრი ჩანაფიქრი და დაუსრულებელი საქმე. შენი სიცოცხლე ტკივილიან მოგონებებში, ახლობლების, მეგობრების ხსოვნაში გრძელდება. შენს დაბადების დღეზე უკლებლივ მეგობრებმა და სამსახურის თანამშრომლებმა ყვავილებით შეამკეს შენი მარადიული სამყოფი.

შენი სიცოცხლის გაგრძელება ნიკუშა და საბაა, რომელსაც ისეთ ადამიანებად გავზრდით, როგორზედაც შენ ოცნებობდი. გვიყვარხარ, გეფერებით, ჩვენ მუდამ ვილოცებთ შენთვის და ვეცდებით წმინდა სანთლებით და ლოცვა-კურთხევით გაგინათოთ სასუფევლის გზა. ნათელი შენს სხვიან სულს.

ოჯახი

ლალი არახამია, მაია გერგაია, ნიკა და ირაკლი შონიები თანაგრძნობას უცხადებენ ეკა ზარანდიას, ანა და ლაშა გუგუნავებს მეუღლის და მამის ზაურ გუგუნავს გარდაცვალების გამო

კრისკომი



- ქალღმერთი ძველ რომაულ მითოლოგიაში
- სვანეთში გავრცელებული თავდაცვითი ნაგებობა
- მანქანის, საწარმოს აწყობა ან დადგმა გარკვეული გეგმის, ნახაზის მიხედვით
- ტანისამოსის ზემოდან მოსასხამი
- ნ. დუმბაძის მოთხრობა
- იტალო-ამერიკელი რეჟისორი
- დეკორატიული ელემენტების ერთობლიობა
- ტანმოვარჯიშე, სპორტსმენი ან ცირკის მსახიობი
- განთიადი ანუ
- თვალის ფერადი გარსი
- აგდებული დამოკიდებულება ზნეობრივი ნორმებისადმი
- ესპანეთის დედაქალაქი
- გერმანული კომპანია რომელიც აწარმოებს ავტომობილებს
- ქართველი კალათბურთელი
- ომის ღმერთი
- სახელმწიფო ხელისუფლების ორგანო

შეადგინა მაია ბერბაია

<p>სარედაქციო აცხადება</p> <p>მთავარი რედაქტორი ნინო სარაიანი</p> <p>რედაქტორი მელა ბალათური</p> <p>კორექტორები: მაია ბერბაია, გიორგი ბარაჩაია</p> <p>ეკონომიკური სამსახურის სპეციალისტი ჭალიბა ჩაჩიანი</p>	<p>რედაქციის მისამართი:</p> <p>სანაი, ჭავჭავაძის ქ. №103, ტელ: 276150</p> <p>რედაქცია ხელმძღვანელობს თაქსიუალური პრინციპით, არ გამოხატავს პოლიტიკური და საზოგადოებრივი ორგანიზაციის ინტერესებს.</p> <p>ინტელექტი 66529</p>	<p>რეგისტრირებულია სანაის სასამართლოში</p> <p>რეგისტრაციის №56/7-17</p> <p>გაზეთი აკრედიტებულია აიფო, დაახლოებით და ოფსეტური წესით დაიბეჭდა შპს „სოლი 36“</p> <p>ქ. ქუთაისი, ილია ჭავჭავაძის გამზ. 33</p>
--	---	--